

29. apr. 2015

**Akilerartarnermut Oqartussaaasut ataani immikoortorta qarfirmik immikkut suliaqartusamik, aningaasaqarnikkut pinerluuteqartarnerup, ilaatigut ikiaroomartumik niuerniartarnermut attuumassuteqartup, paasineqarnissaanik siunertaqartussamik pilersitseqqullugit Naalackersuisut peqquneqarnissaanik siunnersuut, tamanna pissaaq akileraarusersuinerminni annertunerusumik suliniuteqarneq aqutigalugu, tamatumunnga ilannullugit nalunaarsuiffiit atortorissaarutillu pioreersut ataatsimoortinnerat, tassuunakkut isertitat pigisallu nalillit inatsisunik unioqqutitsilluni pissarsiaasimasut paasineqarsinnaaqqullugit.**

(Inatsisartuni ilaasortaq Agathe Fontain, Inuit Aqatigiit)

Inatsisartuni ilaasortap Agathe Fontain-ip Inuit Aqatigiit, aalajangiiffigisassatut siunnersuutaanut imaattumik Siumumiit oqaaseqassuugut.

Siumumiit isumaqarpugut oqaluuserisassanngortitaq soqutiginarluinnartuusooq eqqummaariffigalugulu pikialaartittuartaqartoq.

Arajutsisimanngilarpullu siusinnerusukkut annertuumik eqqartorneqartarnera ilaatigut maani inimi pisartoq.

Siunnersuuteqartulli siunnersuutaa paasinninnerput malillugu tassaavoq ullumikkut suliniutaareersut saniatigut aningaasartuuteqarfiusumik immikoortorta qarfiliortoqassasoq Akilerartarnermut Oqartussat Politiillu suleqatigiinnerisa annertusarneqarnissaanik kinguneqartussatut isigineqartumik.

Siumumiit isumaqarpugut massakkumut suliniutit annertuut ingerlanneqartut. Tassalu Ålborg-imi containerinut qinnguartaat pigineqalernikuuvoq anngiortumik nunatsinnut eqqussuisinnaanermut killiliissutaasussatut naatsorsuussa. Qimmit ikiaroomartumik naamannissinnaasut amerlineqarput, aammalu nunap avataaniit angalallutik tikittunik nakkutilliineq skkortusineqarnikuuvoq. Kiisalu Kangerlussuarmi aamma timimut qinnguartaateqalernissaq 2014-imi aningaasalerneqarsimasooq.

Taassuma saniatigut Akilerartarnermut sullissiveqarfik annertunerusumik sakkussaqalernissaa siunertaralugu aningaasaliiffigineqarsimavoq, sinerissami angalaneruinnaalernissaa siunertaralugu.

Taakkuli oqaatigaluarlutigit Siumumiit Naalackersuisunut kaammattuutigissuarput Aningaaserviit, Politiit Akilerartarnermillu suliaqartut Imminnut attaveqatigiinnerisa paasissutisseeqatigiittarnerisalu qanoq ingerlanersoq paasinaaqqullugu.

Taamatut oqaaseqarluta suliniarnermi annertusaareeratta siunnersuut ilalinnginnatsigu Siumumiit nalunaarutigaarput.

Jess Svane

Siumut